

1

DE  
LINGUARUM  
ORIENTALIUM,  
præsertim

7

HEBRAICÆ, CHALDAICÆ,  
SYRIACÆ, ARABICÆ,  
& SAMARITANÆ



PRÆSTANTIA,  
NECESSITATE, & UTILITATE  
quam & Theologis præstant  
& Philosophis.

---

Per G. B.

---

Contenta in Epistola Dedicatoria  
fufius indicantur.

L O N D I N I,  
Excudebat Thomas Roycroft,  
1658.

THE UNIVERSITY OF CHICAGO

LIBRARY

1111

1111

1111

1111

1111

1111

1111

1111

1111

1111

1111

A M P L I S S I M O  
&

P E R F E C T A

ΕΓΚΤΚΛΩΠΑΙΔΕΙΑ

I N S T R U C T I S S I M O

D. IOH. MAYNARD,

ILLUSTRISSIMO AD LEGEM

S E R V I E N T I,

PATRONO SUO NOBILISSIMO.

**Q**Ua hic a nobis scripta, non ideo Tuo (Vir multis  
nominibus Honorande) inscribuntur nomini quia il-  
lius digna, sed quia indigentia: non quasi criticum lu-  
minis tui subirent indicem, sed ut optatam nominis tui  
haberent clientelam. Nihilo, fateor, nisi brevitate com-  
mendentur, quam tamen unicam omnia tibi commen-  
dare scio. Nec aliunde Proles a te expectet patro-  
cinium, nisi quod eodem patrem dignari non grava-  
tus es. Scopum autem atque hac scribendi rationem  
flagitas? Verbo capias. Nihil te fugit, duplex in ho-  
mine principium, Anima & corpus: illud nobilius &  
sublimius quod spiritum cœlumque, hoc vilius & hu-  
milis quod materiam lutumque refert: Adeo ut u-  
trumque mundum & superiorem & inferiorem in Mi-  
crocosmo æque ac in Macrocosmo contemplari licet.  
Dum hac ideo serio mecum exagitavi, mirari subiit  
unde



unde eveniret ut homo terra pronus jaceret? cum utriusque particeps quare non auram sed terram, non cælum sed cœnum saperet? Nonne nobilius dominari, vilius subservire natum? At contrarium nobis acciit. Materia enim supra spiritum, terra supra ignem suum sese continuo attollit: adeo ut qui cœlestes etiam nascimur, terrestres tantum vivimus. Hac sane pensculans anxius pendulusque diu nullibi plane pedem figerem. Tandem autem, nescio quomodo, suggestum fuit a dolendo primorum parentum lapsu miram hanc naturam errorem derivare. Quod cum altius paululum & penitus expendi, non potui non utraque ultra amplecti. Quod primi viz. parentes nec Deo nec rectæ rationi auscultando & veritatem fructum sensibus indulgendo, sensus, adeoque & Corpus Anima pratulerunt, quam præminentiam ab eo usque tempore corpus detinuit: Atque hinc est quod nunc toti sensibus immersi supra sensualia & corporalia nosmet nunquam elevemus; & quamvis assurgere & erigi sæpe conemur, non tamen pene secus est ac ii qui somnis laborant, vano nisu. Sunt, fateor, qui celeri subtilis ingenii ala totum universum Cælum & Terram sibi pervolare videntur; quid aliud tamen revera faciunt quam cum Aristophaneo Socrate ἀεγβατοῖ? Sunt qui veritatem se invenisse somniant; a somno vero excitatis, præcipue a vita hac (que nihil aliud quam somnium videtur) excidentibus & ad ultimum diem resurgentibus, quid aliud apparebit ipsorum veritas quam mera vanitas? Et hunc quidem in modum ut Ixion nubem pro Junone, sic nos imagines pro rebus amplectimur: Nec tam apte dicamur solis naturam viribus aliquid cognoscere quam aliquid imaginari. Cognitis ideo gravis huiusce morbi & causa & effectus (unde viz. nobilior pars hominis a viliori adeo supprimeretur, & quid exinde ortum est) operam deici ut  
remedium

remedium, si fieri potuit, mihi met detectum irem. Hunc  
 in finem ad Naturam me statim contuli, ut viderem an  
 quis summas natura vires intendens e misero hoc La-  
 byrintho sese extricet. At non diu hic hesitavi, sta-  
 tim enim vidi ipsam Naturam corruptam & pollutam  
 esse, & Quis edat mundum de immundo? ne unus  
 quidem. Job. 14. 4. Hinc protinus remedium hujus-  
 ce morbi non quid naturale sed supernaturale esse con-  
 jeci; adeoque a Natura ad Scripturam me protinus con-  
 verti: Quam cum mente paulisper volutaram, ani-  
 madverti herbam morbi hujusce medicinalem in Divino  
 hoc horto si ulli inveni. Semper super terram reptamus  
 & Sydera sublimi vertice nunquam feriamus? In S.  
 Scripturis ostenditur via ad Spiritum ipsius Dei du-  
 cens, qui Animas nostras sublimatas det & de terra  
 in ipsum Cælum evehat. Quia toti terrestres, Cælestem  
 ideo sapientiam, adeoque & Divinas veritates nunquam  
 attingamus? Scriptura ad ipsum Christum ducens, de  
 ἐξουσίᾳ τοῦ κυρίου ἡμῶν Ἰησοῦ Χριστοῦ. 1 Cor. 1. 30. Hic sa-  
 ne est vera Cœlia, & veri ipsius Discipuli, seduli-  
 que sectatores verissimi denominentur μαθηταί. Cum  
 pro certo ideo habuerim Scripturas solas ad Animam  
 erigendam, & veram Philosophiam & Sapientiam acqui-  
 rendam ostendere, nihil jam restitit nisi ut dis-  
 cuterem quomodo ad harum S. Scripturarum intelli-  
 gentiam perveniatur. Quævis sane illarum interpre-  
 ratio Divinam hanc virtutem in se non continet: Nec  
 est ut veritatem in ulla versione sola inquiramus,  
 quia nescimus an illa sit vera necne. Ad fontes id-  
 eo recurrendum & ipsum textum inspiciendum adver-  
 ti. At multum praterlapsum est temporis a quo ipse  
 textus scriptus & traditus fuerit; quomodo igitur  
 hunc quem jam conterimus, conservatum & confir-  
 matum habeamus? Et praterca, in ipso textu mul-  
 ta sunt obsoleta voces & multa obscura phrasæ,

unde ha explicentur & illustrentur & Has omnia non aliter quam per linguas Originaria cognatas & antiquas earum Versiones conferenda censui. Rectissime quidem Tertullianus, Cui cognita sit veritas sine Deo? Cui Deus sine Christo? Addam & ego, Cui Christus sine Scripturis? cui Scripturae sine Linguis? Hic ideo est aliquantis subsequentium series, ubi hac & huiusmodi fusius, breviter tamen, agitantur. Omnia autem cum praecipue in scopum collimata sunt, ut ineffabilem Bibliorum nostrorum πολυγλωττίας usum aliquo modo delinearem. Facile quidem fuisset extensorem telam tibi obtulisse: consulto autem de Adversariis nostris fuisse & copiose collectis paucula solummodo selegi, quae nuda tantum demonstrarent (quod ultimum fuit quod intendimus) quomodo Bibliis nostris Waltoniensibus, nunquam satis laudatis, utendum est. Meditationum ideo harum (Sub eo enim nomine merito veniant, utpote quae solitariarum tantum quarundam horularum progenies) & scopum & rationem tenes. Vides subjectum acutissimo dignum stylo. Quod ideo in subjecto ipso dignum (ut nihil ibi indignum) aequi bonique consulatur. Quod in stylo nostro indignum (ut nihil ibi dignum) patrocinio tuo pallietur. Iudicis igitur pro tempore naturam exuas, & jam Patronum jam Amicum agas. Nollem autem (Spectate & Honorande admodum Patrone) ut paucula haec lineae adeo liturata pro gratitudinis nostrae, oh tot Favoris tui in nos inania specimine habeantur. A tempore enim quo Patri meo caelesti placuit, ut in hac Academia (vix alio enim titulo locum insignire possum ubi ipse habitas) vitam degerem, tot tantisque amoris tui compedibus me obligatum agnosco, quae vix ipsa aeternitate solvantur: Nec ipse tantum in propria Persona, sed & ipse (ut ita dicam) in conjuge admodum Reverenda (oh quam & ipse & proles tanta spei aeternas Deo debitis gratias)

ias) primo, uti summa spe teneor, Christo, & de-  
inde tibi arte adeo & feliciter adunita, nos in hac  
vincula coniecisti. Cum ideo debita hac nostra tanta  
sunt ut quicquid ipse feci, faciam, habeamve ea nun-  
quam persolvat, memet totum, quantus quantus sum,  
vobis do, dico, consecro

*servum in Christo vestro*

*meoque Servatore*

*Devotissimum*

GUL. BEVERIDGIUM.

七



DE  
LINGUARUM  
ORIENTALIUM  
PRÆSTANTIA,  
NECESSITATE, & UTILITATE  
quam & Theologis præstant  
& Philosophis.

Cum relictis paulisper mundi illecebris, veram ipsius naturam, uti a Sapiēti in physicis describitur, meram viz. vanitatem animo volutarem, supra supremam ipsius cacumina, superbe etiam si eminentia, usque in mundum superiorem memet elevatum ire contendo. Atque hoc idcirco quia mundum hunc sublunarem ita aspicere ut aspectum despiciat intimis præcordiis efflagranti, inter alia & hoc memet semper persuasum habui non minimo futurum adminiculo, si in cœlestem istam beatarum animarum gloria splendentium & gaudio triumphantium choream sese supponat admissum. Nec præceps persuasio, sed & ipsa ratione suffraganti. Quis enim Divinis illis vere & continuo rutilantibus æterni Solis circumcinctus radiis, apparentibus tantummodo umbratilis hujusce terræ gaudiis capiatur? Nec rationi & ipsa experientia refragatur. Huc enim mihi (quantum conceditur) pernicious animalis evector, & parvulum hujusce terrulæ globulum de ipso cœlo fastidioso oculo suspicienti, nunc terra hæc tanquam monticula & incolæ ipsius tanquam tot formiculæ ap-

parent irrequietæ circa illam tumultuantes : Nunc autem, homines præsertim quotquot intra præcinctos ipsius limites continentur, tanquam tot miseri videntur pisciculi de proprio extracti elemento. Nec sane ultima hæc vanæ & inanis est status humani umbra. Ad pisciculos enim istiusmodi ad ripas illas quas aqua non ita pridem ipsorum propria lambit alluitque jam jacentes, oculos obsecro convertas. Ecce quam caudas agitant, corpora huc & illuc motant, hinc & inde desultantes, quasi in primum & proprium eorum habitaculum inhiarent, quum nec aquam quam haberent definire nec viam quam tenerent describere valeant. Irritos hujusmodi piscium intuearis conatus, & inanes hominum relegas labores. Hi enim fallaci dæmonis esca de sælici quo creabantur allekti statu, omnes jam intendunt nervos, omnes impendunt nisus, sursum & deorsum cursitantes, ut primævo statui denuo redderentur, cum interim & naturam istius status & viam eo tendentem penitus ignorant.

Tempus erat (ingenue fateor) quo quicquid intellectus perciperet, verum, & quicquid voluntas perciperet, bonum erat : Imo & tempus erat, quo nihil ad ultimam & animæ & corporis sælicitatem perficiendam excogitari potuit, quod in utrumque non accumulatum. Splendidus autem hic primus sælicitatis dies oh quam cito in occasum vergit, & tenebris sepelitur ! Ut homo enim non citius vivit quam edit, sic & non citius edit quam moritur, non citius malum ededit quam ipse malus evaserit. Adeo ut ille non nostrum ad instar tunc temporis edendo vitam conservavit sed mortem acquisivit. Vita ideo deperditur, & pallida mors omnes animæ facultates omniaque corporis membra protinus invadit. Intellectus spissitudine obumbratur, voluntas perversitate corrumpitur, affectiones in irregularitatem & inordinationem pertrahuntur, Corpus ad matrem Terram continuo avocatur, & totum illud gloriosum

fælicitatis lumen penitus extinguitur. Et hunc sane in modum omnibus illis bonis donisque præclarissimis, quibus tanquam naturali satellitio, in mundum stipati prodierimus, ut non citius nati quam donati, sic & non citius lapsi quam orbatifuiamus. Nec hoc tamen omne: fælicitatem enim illam non tantum non habemus, sed & etiam non videmus. Fælices fuisse (quod miserum est) hoc cognoscimus, at quænam & qualis erat hæc fælicitas, hoc non cognoscimus. Nec & hoc adhuc totum: sed quod majus, non tantum fruitione & cognitione fælicitatis primævæ spoliatur, sed & circa viam eo tendentem nos in biviiis & triviis (proh dolor!) hæsitamus. Atque hinc est quod nescii quo nos jam converramus ad has & illas miseri divagamur creaturas: his amissam querimus, & in illis amissam quarimus fælicitatem. Ex nullis autem harum aliquid solaminis vel certitudinis aliquid de amissa fælicitate expromatur, omnes autem eandem modulantur cantilenam, Job 28. 14. *אֵין בִּידֵי נָא* non est in me.

Ne videar autem *ὡς τὰ ἰσχυρὰ πῶς*, & primi propositi transilire limites, prætermittis alius quibuscunque infortuniis quibus homo lapsus e vestigio implicatus fuerit, quid intellectui nobilissimæ illi Animæ facultati, præsertim accidit, impræsentiarum solummodo attendemus. Intellectus ideo qui tanta plenitudine, rectitudine, & claritate non ita pridem floruit, jam omnibus miserrime denudatur. Dum homo enim vetitum fructum sensibus indulsit, intellectum spissis ignorantix tenebris involutum dedit; adeo ut arborem scientiæ degustando (quicquid ipse sibi, aut potius Diabolus illi promiserat) hoc tantum scivit quod antea non scivit, quod scientiam primævam amiserat & jam nihil scire potuit. Hinc, hinc est quod in qualibet scientia attingenda, in qualibet veritate investiganda tam misere hallucinamur. Hinc est quod etiam ea quæ multo studio & labore nobismetipsis tandem videmur scire, re-

vera tamen penitus nescimus. Adeo ut nobis æqua & certa iudicii lance jam privatis omnia in rebus humanis dubia, perplexa, incerta, suspensa, magisque verisimilia quam vera sunt. Et lippientes & caligantes nostræ naturæ oculos omnino fugit quid alba veritatis creta quid nigro falsitatis carbone notatur: nec videre possumus quid pro vero quid pro falso est admittendum. Quid vero? nonne ut subtilissimus ille omnium nostræ ætatis Philosophorum Coryphæus Cartesius egregie disputaverit, *Quicquid clare & distincte percipitur verum est?* Adeoque nonne propria nostra rerum perceptio sit iusta satis & æqua statera ad quam omnia vocentur, & qua expenduntur & trutinentur? Esto: Fateor: Eousque tamen processerit naturæ nostræ corruptela & depravatio, ut etiam circa ea quæ percipimus adhuc in tenebris latitamus, pro certo nescientes quando aliquid clare & distincte percipimus. Quid enim? ipso etiam concedente, *de omnibus est dubitandum*, adeoque & de hac nostra perceptione, viz. an clara sit & distincta necne: nec infirmiori quam de aliis subjectis fundamento; utpote multi se res clare & distincte percepisse autumarunt, dum inter in vana & inania somniarunt. Imo & nosmetipsos etiamsi claram & distinctam habuisse perceptionem aliquando putavimus, sæpissime tamen postea deceptos deprehendimus. Ubi ideo sistendum est? ubi dubitatio huiusmodi est deponenda & actus iudicii exerendus? viz. nunquam donec perceptio nostra claritate & distinctione donatur, aliter enim frustra dubitatur. Quapropter necesse est ut clare & distincte percipiamus primam perceptionem esse claram & distinctam, prius quam de re percepta aliquid est statuendum. Quid ideo? vel iudicii actus semper est suspendendus, & nunquam aliquid vel pro vero vel pro falso est admittendum; vel oportet habeamus claram & distinctam perceptionem claritatis & distinctionis prioris perceptionis. At quomodo

do secundam hanc perceptionem per quam prima examinatur esse claram & distinctam cognoscamus, nisi habeamus tertiam, eamque claram & distinctam perceptionem claritatis & distinctionis secundæ perceptionis? Adeoque prima perceptio per secundam, secunda per tertiam, tertia per quartam est examinanda, & sic perceptiones nostræ in infinitum producentur, & veritas nunquam attingetur.

Et hunc sane in modum incerta & lubrica nostra continuo nutat sententia, & licet forte fortuito veritatem cognoscamus, veritatem tamen esse non cognoscimus. Atque hinc est quod illud quod jam comprobamus & amplectimur, statim respuimus & repudiamus. Et nemo est qui, etiamsi de omni philosophia ab ipso superata gloriatur, tamen non expertus est quomodo contrariis & repugnantibus sæpissime jactitetur, æstuet, fluctuetur. Nec aliud quidem expectari potest, quin si solis corruptæ naturæ viribus annitamur, ad sacros incorruptæ veritatis recessus nunquam penetremus.

Perplura de pendula humanarum scientiarum incertitudine, & de misera caligantium naturæ oculorum lippitudine adderentur, ut & quomodo non tantum in Logicis, Æthicis, Physicis, Metaphysicis, aliisque istiusmodi artibus & scientiis, sed enam in ipsis Mathematicis demonstrationibus, quæ tanta a plerisque indutæ statuuntur claritate & certitudine, quamplurimi Cimmeriis immersi tenebris miseri oberrarunt vagabundi. Hæc autem huic loco non ita quadrarent, & paucula hæc quæ delibata, satis ut opinor, ad nostrum facient propositum. Dum vel isthæc enim apud me tacitus revolveo, non possum non alta admiratione percelli, qua ratione illi qui omnia tentare media, & omnem sese movere lapidem ostentant ut latitantem invenirent veritatem, & sese tandem ad summum sapientiæ apicem attollerent, Philosophiæ, lubricæ & incertæ Philosophiæ animos suos ita continuo manciparent, & divina humanioris & po-

littioris literaturæ studia, sacramque linguarum, Orientalium præsertim, cognitionem, quæ sola, uti postea patebit, absconditam fere detegat veritatem, ita negligenter & despicarent.

Non sane diffiteor quin studia Philosophica digna sunt quibus subtilissima exerceantur ingenia. Imo quidem fateor res naturales non indignas esse quas contemlemur, etiamsi contemplationum nostrarum scopum, veritatem viz. nunquam attingeremus. Quid enim? ipsa illiusmodi rerum contemplatio (ut cuicumque in iis vel mediocriter versato abunde satis expertum est) secretam quandam voluptatem & animi complacentiam secum continuo ducit. Et quamvis ipsam veritatem assequi non possumus, modo tamen cordibus nostris infixum immotumque sedet (ut sæpe accidit) nos affectos fuisse, & apprehensionibus nostris tanquam claris & distinctis adeoque & veris assentiamur, quod ad intimam animi complacentiam iis continuo annexam, perinde est ac si revera affecti fuissetus. Hoc tamen insuper addam, quod huiusmodi animi complacentia utcumque tanta apparet veritate induta, falsa tamen est & erronea, utpote falso & erroneo annexa fundamento. Adeo ut qui hunc in modum sibi placent, qui huiusmodi requies & delicias animis immurmurant, mendacio assidue delectantur. Utcumque perquamplurimos videre est, qui tam alte huiusmodi contemplationibus immerguntur, ut omnia studia præter sua, hoc est Philosophica, demissa & repentina, pernicious & sublimissime tendentibus suorum ingeniorum alis inepta prorsus & indigna existimant. Linguæ, clamitant, sunt tantum fores, quid nobis cum foribus qui ipsa quærimus penetralia? Linguæ sunt tantum cortex, quid nobis cum cortice qui ipsum intendimus nucleum? Quid vobis cum foribus? quid vobis cum cortice? quibus intratis & quo fracto penetralia & nucleum attingatis.

Sed

Sed fateamur inquit, aliquæ linguæ necessario requiruntur; at quid nobis cum Hebraica, Chaldaica, Syriaca, Samaritana & istiusmodi quarum vel characteres profecto sunt monstrosi & prodigiosi? Quid hæc conducunt ad Cartesium aut Aristotelem intelligendum? modo Græcam & Latinam ediscimus, quicquid sacris illorum mineralibus absconditur facile perfodiamus. Hi sunt duo illa & magna quidem Hemisphærii Philosophici luminaria. Aristoteles enim in obscura primarum ætatum nocte lumine suo mutuatio (quod viz. ab omnibus & istius & præcedentium (ut aiunt) sæculorum philosophis mutuatus est) totum hemisphærium suo modo, hoc est ad instar Phœbes illuminavit. At in splendescenti hoc nostræ ætatis die ipsum habemus Apollinem ipsum Cartesium in quemque orbis philosophici angulum radios suos evibrantem. Modo horum ideo lumine fruamur quid alio opus est? Esto: Profundum Aristotelis admiror ingenium, & beatos subtilissimi τῷ μακρίστου Cartesii adoro cineres. Pace tamen tantorum dicam, & Cartesius & Aristoteles subriles erant Philosophi sed & mortales erant homines. Non eousque adhuc ebulliverit dementia nostra, ut Aristotelis volumina Phœbi oracula habeamus, vel ut Cartesium etiam si Papistam Papæ tamen (ut aiunt) infallibilis cathedra collocemus. Erant inquam Philosophi, sed & erant etiam homines, imo & eorum humanitas in erroribus quibus abunde scatent sese manifestam tradit. At replicant qui dogmata sua jactitant Philosophica, Hisce & nosmet libentes subscribimus, hi quos laudamus erant homines, nec omnia erant veritatis flumina quæ ex eorum fontibus profluxerunt. At ubi veriora? ubi veritatem citius inveniamus quam eorum libros consulendo? Mirum sane miserumque quod vos qui tantam, qui omnem vobis vendicatis philosophiam & rationem hic tam alte circuteretis? Quid enim? nunquamne de sacro quodam codice audivistis? Nunquamne jucundus



Evangelii tonus teneras aures vobis percussit? Nunquidne sacrarum literarum autoritas apud vos valeat? Quid? & adhuc spissis sepulti jacetis tenebris plane nesci ubi gemma hæc veritatis pretiosissima latitaret? dicam, In sacra pagina, in sacris literis, si ullibi, est inveniri. Hæc sacra pagina est arbor illa vitæ in cujus foliis rara hæc avis nidulatur. Hæ sacræ literæ sunt non Phœbi sed Dei, non Delphica sed Divina illa oracula, quæ quicumque recte consulat, a recto veritatis tramite deviare non est impossibile. Quicquid hic invenio dictum, scio dictum a Deo vero, imo a Deo Veritate. Adeoque quicquid hic lego digito demonstro, manum in margine depingo, *Veritas est*. Ego, inquit Christus sum Via & Veritas, adeoque qui Christum de Scripturis sciit, Veritatem nescire nequit. *Πάντα γὰρ ἐκ τοῦ Θεοῦ ἐκινήθη* inquit Apostolus, *omnis Scriptura est divinitus inspirata*, a Deo ab ipsa Veritate inspiratur, adeoque & ipsa nihil nisi veritatem spirat. Multa, fateor, hic invenio supra conceptum, at nihil præter veritatem. Non est versus qui non est verus, imo non est versus qui non est veritas, adeoque quot scio in Scriptura verus, tot scio veritates. At præterea, non tantum eo consulenda est Scriptura pro veritate quia quicquid ibi scribitur est veritas, sed etiam quia Scriptura viam ostendit ubi ipsa veritas commoratur. Ego, inquit Christus, sum Via, Veritas, & Vita; non tantum est Via & Veritas, ut antea, sed etiam est Via ad Veritatem, siquidem est Via ad Vitam eamque Æternam. Scrutemini Scripturas & scripta operemini, & vitam ac in illa ipsam Veritatem possidebitis. Tunc autem temporis quænam est veritas quæ nobis non nuda apparebit? Ibi omnes rerum essentias & naturas in ipsa Dei essentia in ipso Archetypo visuri sumus. Ibi intellectus nostri omnibus erroribus purgati, & apprehensiones claræ & distinctæ evadent. Ibi oculos nostros vere plusquam Lynceos ne atomus quidem in omnibus Veritatis mysteris latebit.

Bene.



Benevole Lector, aliquid tibi serio suggeram. In veram sapientiam, in Divinam rectamque Philosophiam animo pruris? Profundum, ac omnis scientiæ & cognitionis capacem & impletum te efflagitas Philosophum? oh Christum petas, ad cælum tendas, & tunc plura scies quam jam te scire vel in votis habeas. Tumque (crede mihi) videbis, quantæ stultitiæ (stultitiæ dicam an dementiæ?) te reum peregeris dum Cartesium, Aristotelem, & alios istiusmodi farinæ Philosophastros pro veritate scrutatus es, & Scripturas interim quæ solæ veritatem & viam ad veritatem demonstrent, tam egregie neglexeris.

Hic autem in luto jam hærent Adversarii; libentes audirent Christiani, adeoque non est ut illis quæ hæcenus dicta sunt inficias irent: nec tamen in Linguarum æstimum & amorem se adductos vel paterentur vel faterentur. Quo ideo se convertant, nisi ut post multam animi perplexitatem tandem erumpentes effutiant, Quid hæc ad propositum? Quid si sacræ literæ, ideone & sacræ linguæ ad veritates indagandas conducunt? Non eo vesaniæ & infidelitatis proripimus ut non credamus Scripturas solas veram sapientiam humanis cerebris instillare, & illum optimum fore philosophum qui has & studiis & vita diligentissimus sequitur. Hincne autem inferatur & linguas aliquid ad hancce rem collaturas? Quid enim? Nonne perquamplurimi iique Linguæ Hebraicæ peritissimi sacrorum Bibliorum extant tranllatores quibus fidere & niti possumus? Fateor, hoc autem jaculum (ut festinanti calamo tanquam canis ad Nilum hæc percurram) hoc inquam jaculum in vosmet facile est retorquere. Quid enim? nonne perquamplurimi sacrorum Bibliorum extant tranllatores? cuique notum est. Quum multæ ideo huiusmodi proferuntur versiones, quænam est præferenda? Hunc dissolvat nodum quicumque *ἱερογλωττιστής* & Linguarum Orientalium ignavus osor. Veritas aliqua de sacris Scri-  
pturæ

pturæ mineralibus est eruenda, hinc multa exhibentur instrumenta, dicat hic, quodnam est adhibendum? Multæ varixque in promptu sunt translationes, quamnam consulemus? Varias easque eruditæ textus Bibli-  
ci extare Versiones in propatulo, in comperto, in confesso est. Hoc autem insuper detur, quod Theologi non minus differunt in interpretatione textus Bibli-  
ci quam Philosophi in expositione textus Aristotelici. Omnes legis? quemnam seliges? Pagninum? Ariam Montanum? Vatablum? Osiandrum? Tremellium? Vulgatam? LXX Interpretes? Lutherum? quisnam horum est præferendus & quisnam posthabendus? quem commendes & quem condemnes? quomodo certum & geminum loci alicujus sensum a quovis interprete datum ab illius in alio loco aut ab alio in illo loco notho & spurio dignoscas? Nonne necesse est ut ad Hebræi canonis Lydium quasi lapidem exiges? Quis etiam corruptissimam Vulgatam (quam pro Authentica mandare Tridentinum illud non erubuit conciliabulum) vel ullam aliam Versionem corruptione minima scatere dicat, nisi qui de puro Hebræicæ literaturæ fonte limpidas probe degustaverit aquas? Quid pluribus? Veritatem aliquam de sacra hac testa depromere animo habes: Hunc in finem magno labore & sudore evolvis Pagninum aut Tremellium: Jam attendis quid dicit textus Biblicus? non, sed tantum quid Pagninus dicit aut Tremellius. Nescis an Deus ita locutus est in ipso textu necne, sed tantum quod Pagninus aut Tremellius ita transtulit.

Sed non mecum impræsentiarum institui omnia argumenta quibus sacra hæc lingua propugnari potest in arenam trahere, aut omnes objectionum hastas clypeo accipere. Summarium autem eorum quæ hætenus digere conati sumus ad hoc tantum redit, quod nulla vel certiori vel breviori via ad summum illud veræ sapientiæ & rectæ philosophiæ cacumen quam per jucundissimos & omnium generum fragrantissimis Divinæ sapientiæ

tiæ flosculis variegatos Scripturarum campos perveniatur. Et deinde quod nemini in fertilissimos hosce campos patet introitus, nemo amœnos ipsorum carpat flosculos, nisi qui Hebraice loquatur & sacram hanc linguam sibi habet opitulantiem. Et ex hisce claræ satis (ni fallor) aliis præferuntur faces, quibus videant sacram Philologiam dominæ Philosophiæ ancillari, & qui ancillam non primam allicuit, optatos dominæ amplexus summis blanditiis nunquam impetrabit. Frustrâ sese optimos ostentant Philosophos qui & optimos sese non ostendant Philologos, utpote qui sacras literas non intelligit veram Philosophiam nunquam calleat, & qui sacram Philologiam non callet, sacras literas nunquam intelligat.

Nec vellem ut, etiamsi brevis, hæc, in cujus nexum animum hucusque convertimus, ratiocinationis tela ad Philosophiam tantum sed etiam ad Theologiam extendatur. Quodcunque enim argumentum ad demonstrandam illam, quam Philosophis præstant, linguarum utilitatem adducatur, idem pro earundem utilitate simul & necessitate ordine ad Theologiam etiam militabit. Idque quidem a fortiori. Si enim Philosopho qui in nuda veritatum contemplatione residet, tantum linguarum usu opus est ad easdem dextre colligendas, quantum majus Theologo cujus officii ratio exigit ut in earundem prædicationem etiam sese exerat. Si Philosophus qui proprio suo dulcis hujusce liquoris haustu contentus abit, tanta linguarum acquirendarum necessitate detinetur ad eundem de sacra Scripturarum testa exhauriendum; quanta majori Theologus, cujus est non sibi tantum sed & aliis etiam expromere & propinare? At quam libens in Satyram hic erumperem? aut potius quam facilis oculos lacrymarum rivulos flagitarem, qui non ob ferream ætatis nostræ naturam, sed ob corruptissimam ferreæ hujusce ætatis æruginem continuo fluere? Quot heu! quot & quantos quotidie vide-

re est Divinas cathedras ascendentes, brachia jactantes, pulpita tundentes, perplurima lato guttore funditantes, & plausum etiam facili populo ferentes, qui interrim pro certo nesciunt an Divinæ regulæ quadrent, & sacris literis uti a Deo prolatis consonent. Hoc tantum docti sunt, quod Anglicanam translationem aut fortassis Latinam (quam tamen raro consulunt) legere (non dico intelligere) possunt, & inde statim autumant sese abunde satis doctrinæ nactos & sibi & populis spirituali eorum curæ commissis. Et hunc sane in modum, qui aliis viam ad salutem ostendere in se recipiunt, & ipsi oculis capiuntur. Quicquid de Scripturis cognoscunt non propriis sed aliorum tantum oculis hauriunt. Quid est si hoc non est cæcum cæcos ducere, & omnes in foveam præcipitari? Quænam sunt si hæc non sunt inter ultima & ridicula senescentis mundi deliria recensenda? Qui nihil de proprio e Scripturis cognoscunt, aliis Scripturas explicare suscipiunt.

Sed respondeant ipsi elingues hujusmodi sed prædicantes Theologi, Quid contra Papistas, Anabaptistas, Pelagianos, Socinianos, & alios istiusmodi hæreticos & scismaticos tanta & tam aspera proferunt? Hoccine est quia opiniones eorum erroneas esse de ipsis Scripturis didicerunt? Nihil minus. Nemo enim est hæreticorum qui Scripturam sibi etiam non vendicat & in assertionis suæ defensionem profert. Scripturam inquam, at qualem? non puram, non incorruptam, non de ipsis fontibus exhaustam, sed translatam, adeoque corruptam, turbidis rivulis inquinatam. Atque hinc est quod multæ opiniones etiam hæreticæ nulla alia confutatione quam recta & genuina textus ipsius constructione & expositione indigent. Hincque etiam nemini mirum videatur dolendam (utpote Christianorum) Romanensium religionem tot tantisque absurditatibus confertam iri, cum ex ingenua quidem ipsius Bellarmini confessione (de verbo Dei lib. 2. cap. 10.) *Multa.*

*cele-*

celebrata fuerint Concilia in quibus nulli aut pauci fuerint Hebræa lingua periti. Et proculdubio tot hæreses in Ecclesiam nostram nunquam irrepissent, nisi tot linguarum imperiti Scripturæ sacræ explicationem & prædicationem suscepissent. Cum autem hæretici quicunque & clypeos & gladios de armario Scripturæ translata ad suas sententias propugnandas, & aliorum oppugnandas proferunt, unde sunt repellendi? ex aliis translationibus? quid ita? quid non ipsi suis æqualem ac alii aliis fidem darent? Dantur autem istiusmodi translationes (quarum numero est illa Romanensium) quæ quibuscunque hæresibus & favent & fundum præbent. Aut huiusmodi ideo hæresibus cedendum est & adhærendum, aut ad ipsos fontes recurrendum. Et deinde, ut hæreses non diruantur, sic nec sine Divino linguarum subsidio ipsa veritas defendatur. *Rogas (inquit Lutherus) causam cur religio nostra sic derideatur? Non alia est quam Linguarum ignorantia.* Hinc enim sæpe evenit ut plurima loca ad religionis nostræ tutelam maxime facientia non proferamus, adeoque & alia loca non ita dilucide imo & aliquando non omnino facientia citemus, unde fit ut non tantum nostra religio magis concussa sit & debilitata, sed & Adversarii in contraria magis magisque obdurentur.

At respondeant iterum & ipsi, quid tanta opprobriorum & convitiolorum stigmata Papistis inurunt dum & ipsi pessimos Papistas agunt? Quid enim inter perquamplurima illa absurda quibus abundat eorum religio magis absurdum & horrendum videatur quam eo tantum rei alicui fidem habere quia *Ecclesia dixit*. Et dicant Theologi nostri quicunque sacrarum linguarum ignari, quodnam aliud fundamentum ad stabiliendam fidei doctrinam habent, quam quod *Ecclesia dixit*. Eo tantum Scripturæ sacræ aut potius translationi illi, in cuius solius lectione versantur, tam mordicus adhærent & sententias suas illa ventilant, quia Priores Eccle-

siæ

sic Antistites dixerunt ita transferendam, aut ipsi ita transtulerunt. Certo certius si majores nostri aliam translationem eamque ipsa Papistarum Vulgata decies, si fieri potuit, corruptiorem edidissent, ignavi hi nostri linguarum contemptores, eodem quo illam quam jam habemus æstimo amplecterentur: Surdo enim grave & acutum idem sonant; & Cæco lux & nox idem videntur.

At nec adhuc deest oscitantibus tutum satis (ut ipsis videtur) ignorantia & socordia asylum. Quoties enim sibi murmurantes & aliis obgannientes audire licet, Quid nos taneum temporis in linguis addiscendis conteramus, cum tanti & tam eruditi viri, ut Lutherus, Junius, Erasmus & ejusmodi qui tam præclare de Ecclesia meruerunt hunc laborem nobis præripuerunt? Non adeo perfrictæ frontis nec inflati animi sumus, ut cogitemus nosmet tardis ingenii nostri aliis sublimes istas aquilas unquam supervolaturos: Non est ut fastu turgidi putemus crassum & obtusum nostrum ingenium doctissimos istorum labores unquam correcturum. Oh singularem modestiam & animi verecundiam! Quis sibi precibus non appeteret, Quis ad cælum laudibus non attolleret? Verisimile quidem est quod adeo ingenue fatentur, crassum & obtusum esse eorum ingenium, & ita proculdubio manebit donec linguis politum. Non autem exinde recte inferunt linguarum studia fore superflua. Quid enim? non major voluptas & gratior animi complacentia ex ipsis fontibus quam ex rivulis hauriatur? Quid si fideli alius manu quocunque eundum est recto tramite perducamur, idone & oculos eruemus? nonne major oblectatio de proprio visu quam de alieno ductu exsurgescet? Et enim in sacris libris (inquit Martinius in Technologia) lumen & oculus quo Divina perspicimus est Hebræa lingua, cujus scientia & fructu dum te tua sponte privas, tum tibi oculos eruis quibus illa cernuntur & cognoscuntur.

At

At præterea etiam si non est ut beatis istis animabus, Cælo (uti speramus) jam triumphantibus vel quicquam detrahamus, non est tamen ut eorum Versiones pro Authenticis aut ab omni errore destitutis habeamus. Nimis angusta & Divina res est nusquam in errorem prolabi. Ut doctos illos admiramur homines, sed non ut infallibiles adoramus Deos. Viros illos agnoscimus exquisitè literatos, sed non Prophetas immediate inspiratos. Hoc & ipsi agnoverunt, imo & ostenderunt, dum proprias versiones ad incudem toties revocarunt, & perquamplurimos errores in quos impeggerunt & ipsi postea emendarunt. Et respondeant adversarii, Cujus de omni erudito illo veterum cœtu translatio etiam ultima recognitione adeo limata evasit ut omnibus postfuturis otia fierent? Et deinde quid si illi ipsa aquila oculatiores? Profecto passercula illud aliquando videat quod acutum & volubilem aquilæ oculum plane fugit. Dies diem docet, & quod heri doctiorem latuit, hodie rudiori innotescat. Denique nihilne ad fidei certitudinem & animi firmitatem facit, si ipsum Deum propria sua dialecto audiamus & intelligamus nos alloquentem? Admodum incerta quidem sunt colloquia quæ per interpretes tantummodo instituuntur. Linguarum inscii nihil de proprio ipsius Dei ore capiunt, sed per interpretem cum Deo loqui compelluntur. Quid si ideo tua qualicumque linguarum peritia qua polles, aliorum translationes non corrigas & emendes, approbes saltem, & earum veritati & tuum adjicias calculum. Si tibi autem parum aut nihil referre videatur, an quæ aliis inculcas a te approbentur necne, modo ab aliis approbata fuerint; scias, vellem, nisi tuum etiam subeant *Approbatum est*, etiam si vera sint quæ dicis, ipse tamen vera non dicis. Ad veracitatem enim requiritur ut assensus voluntatis, sic & consensus intellectus. Si intellectus enim non clare & distincte percipit propositionis prolata veritatem, quamvis in se sit vera, tibi ta-



men non ita est, nec a te pro vera judicetur. Impossibile autem est ut quicquid clare & distincte percipias vel per consequens recte judices e solis Scripturæ versionibus, siquidem necesse est ut dubius & pendulus semper hæreas, an fideliter de textu originali transferatur. Et antequam hæc dubitatio deponatur, quomodo in actum judicii procedas? Si autem ipse propriis illisque acutis criticisque oculis ipsum textum introspicias, si versionem quam consulis non improbes saltem approbes, atque ita illa quæ profers non tantum vera erunt, sed nec ipsorum veritas te latebit, adeoque & ipse vera proferas. Aliter autem multa doceas aliisque præcipias quæ ipse nescis an sint docenda & præcipienda necne. Hisce ideo perpensis quis non obstupesceret, tot ubique divina S. S. Theologiæ studia aggrederentur, priusquam sacram Philologiam vel summis labiis tetigerunt. At oh quis audaces & temerarios hujusmodi sciolos in divinas Cathedras se intrudentes, & mandata Dei vacuo & infani pectore effundentes siccis oculis intueatur aut intacto corde meditetur? Si hæc autem & hujusmodi serio adverterentur, sperandum sane esset nos doctiores veritatis Divinæ prædicantes & fortiores religionis nostræ defendentes in posterum habituros.

Ut autem quæ de Linguarum usu dicta sunt non tantum ad Philosophiam sed etiam idque præcipue ad Theologiam extensa, sic & paucula illa quæ hætenus de ipsis linguis delibata, non tantum de linguis Originariis, Hebraica, Chaldaica & Græca, sed & de aliis quibuscunque Orientalibus, præsertim Syriaca, Arabica, Samaritana, & Chaldaica in rivulis æque ac in fonte fluenti, intellecta vellem. Non enim est ut in eorum sententiam nos conspiremus, qui linguas originarias ad cælum afferunt, at alias interim cœno conculcant, flocci & navici faciunt. Hi sunt illi qui matrem solummodo ambiunt, at filias negligunt & despiciunt. At quid pro se blaterant? viz. totus Scripturæ sensus in ipso textu



originario continetur, quid ideo aliis linguis quam originariis opus est? Hoc & nobis in confesso est, Totus Scripturæ sensus in solis linguis Originariis tanquam in sacris mineralibus continetur; at hoc insuper detur, quod per alias linguas tanquam per tot instrumenta verior faciliorque eruatur: adeo ut quicumque ad alias linguas præter Originarias cognitionem suam non ele-  
vavit, difficilem subibit provinciam aliquem Scripturæ locum exacte & ad amissim interpretari. Hoc autem est quod nobis jam incumbit paucis demonstrandum. Quo dilucidior autem res fiat, illustriorque veritas appareat, duas has breviter ponam conclusiones.

Prima concl. *Perinde est parum ac nihil, aut non exacte ac non omnino linguam Hebraicam callere.* Primo, fateor, aspectu mira hæc videatur assertio, & ab omni ratione aliena, audacter tamen pronuncio. Quid enim si linguam hanc sacram legam scribeamve? hoc, sine solum ad Scripturæ sensum in illa contentum intelligendum adjuvabit? Nequicquam hoc & faciant typographi, quodlibet vocabulum dextre & exacte legant scribantque, dum interim ne hilum intelligant. At quid si ope alicujus translationis, ex. gr. Tremellianæ locum aliquem exponam, hoc tunc ad intimum loci illius sensum indagandum aliquid conducet? nequicquam. Hoc sine non est Tremellium per textum Biblicum, sed textum Biblicum per Tremellium examinare. Hunc autem in modum sæpe vidi (oh si nunquam post hæc visurus essem) per plures mire sibi complacentes & applaudentes si modo videant se ita exposuisse ut ipse Tremellius aut alius istiusmodi translator exposuit. Proculdubio si hoc sufficeret, non opus esset linguæ Hebrææ studio, modo Latinam aut aliam linguam in quam sacræ literæ transferuntur, calleremus. Quid enim conducit Lingua Hebraica ad Latinam intelligendam? At altius paulisper progrediamur: Quid si in linguam Hebraicam tam alte penetremus ut aliquem Scripturæ lo-

cum sine translatoris alicujus adminiculo exponamus? Hocine aliquas feret suppetias ad veritatem detegendam, & intimum illius loci sensum enucleandum? Iterum respondeo, Nequicquam. Nihil, inquam, locum aliquem exponere adjuvabit, nisi insuper etiam ultimas vires, intimam ἐνέργειαν & valentiam cujusque phrasidis & vocabuli oculis plusquam aquilinis inspicimus. In hoc enim latet præcipua sacre hujusce lingue excellentia, quod vocabuli cujusque emphasin aliis linguis prorsus ignotam, illisque (sicut dicam) inexplicabilem in hac dilucide videamus. Atque hinc est quod ἀπολαύσας assero, Perinde esse parum ac nihil, aut non exacte ac non omnino linguam Hebraicam callere.

Secunda concl. *Impossibile est ut quis linguam Hebraicam exacte calleat, nisi qui alias Linguas Orientales aliquo modo callet.* Hanc autem ut evictam, probatam, & stabilitam darem conclusionem, paucis demonstrare conabor, quid aliarum linguarum Orientales, Syriaca, Chaldaica, &c. ad linguam Hebraicam in ipso textu adeoque & ad verum textus ipsius sensum intelligendum faciunt. Tria ideo sunt ad quas Linguae Orientales conducunt, sine quibus nec sacram linguam callere, nec sacram Scripturam intelligere valeamus. 1. Ad textus ipsius conservationem & confirmationem. 2. Ad vocabulorum explicationem. 3. Ad phrasium & idiotismorum illustrationem. Hisce autem demonstratis, non verendum est quin conclusionis veritati etiam ab invito fides extorqueatur. Singula ideo levi pede percurram.

Primum, inquam, ad quod Linguae Orientales conducunt, est ad textus ipsius conservationem & confirmationem. Hoc autem ut clarius elucescat, paucula præmittenda sunt de reverenda harum Versionum antiquitate, de qua & fuse & docte disputat Reverendissimus noster Brianus Waltonus S. S. Theol. D. in Prolegomenis suis ad Biblia Polyglotta; nos summaria tantum attingemus.

attingemus. Chaldaica igitur Paraphrasis (ut ab illa telam exordiar) a 70 annorum captivitate originem suam duxisse ab omnibus reputatur. Judæi enim tunc temporis ut aliorum juga subire sic & istorum linguam addiscere coacti erant. Quo fit ut post tanti temporis effluxum propria & vernacula oblivionis tumulo sepulta jacuit. Unde licet nonnulli eorum reducum ætate præsertim & dignitate grandiores, ut & sacerdotes & Levitæ Hebræam vernaculam retinebant, plebis tamen & juventutis etiam in hac lingua imperitiæ & insecitiæ necessario consulendum erat, ut Scripturas viz. in templo & synagogis ut perlectas sic & intellectas his darent. Hinc ideo tota SS. Scriptura lingua omnibus tunc temporis tam bene nota, Chaldaica viz. (quam in captivitate didicerant) donata fuit, quæ Versio ܡܬܪܡܢܐ sive *Explicationis* audit. Adeoque sacra Biblia in publicis synagogis non tantum Hebraice sed & Chaldaice Judæorum aures infuderunt. Hoc autem facillime e loco illo Neh. 8. 8. eliciatur, *Legebant enim librum istum legem Dei explanate, & exponendo sensum dabant intelligentiam per Scripturam ipsam.* Hunc locum ita explicant Talmudici; *Legebant in libro illo in lege Dei, is fuit textus Hebraicus: Explanate, illud fuit Targum.* At nec desunt exemplaria perquam vetusta quibus videre est Textum Hebraicum & Paraphrasin Chaldaicam alternatim scripta, adeo ut singulis versibus Hebraicis Paraphrasis Chaldaica statim subiecta ad amussim responderet. Hujusmodi exemplar se Argentinx vidisse testatur Buxtorfius: & simile Dr. VValtonus, ipso teste, Pentateuchi MS. e Bibliotheca VVestmonasteriensis habuit. E quibus clarissime inferatur Paraphrasticam hanc Chaldaicam Scripturarum explanationem ab ipsa captivitate & occasionem & ortum sumpsisse. Non autem est ut Paraphrasis Chaldaicis Bibliis nostris insertis & manibus nostris contritis tantam vetustatem concedamus: nullum enim

jam extat Targum ante Jonathanem & Onkelosum scriptum. Duo autem illi insignes & magni nominis Rabbinæ, Onkelos viz. & Jonathan Ben-Uziel, quorum primi in Pentateuchum, alterius in Prophetas jam extant Paraphrases, coætanei erant; uterque enim tempore Hillelis senioris ante Christum annis circiter 40. floruerunt. Quod autem ad Targum in Hagiographa confectum, antiquitate aliis cedit: hoc enim vulgo inscribitur cuidam R. Josepho qui cæcus fuisse perhibetur, quique aliquot etsi non admodum multis post Christi tempora annis vixit. Hinc autem aliquomodo Chaldaicæ hujusce Paraphrasis antiquitatem videamus.

Quod ad Syriacam Vet. Test. translationem attinet, constans & perpetua viget traditio, hanc omnes post Christi tempora factas antiquitate superare. Tempore enim Thaddæi Apostoli scriptam & ejusdem cum Syriaca N. Test. Versione antiquitatis e. Te communi doctorum ore affirmatur. Quid autem multa accumulem de antiquitate translationis Syriacæ N. Test? Quis enim nescit primo statim nascentis Ecclesiæ sæculo vel ab Apostolis ipsis, ut aliqui volunt, vel a discipulis suis, viris Apostolicis, confectam fuisse? Quid aliud sibi vellet incorrupta sermonis elegantia? Quid in antiqua illa & verissima VVidmanstadii Editione, defectus Epistolæ Petri, 2. Johannis, 2. 3. S. Judæ, Apocalypseos, & Accusationis Adulteræ, quæ ipsa etiam apud Chrysostomum, Theophylactum, & Nonnum de deratur; quid (inquam) nisi quod libri isti primis Ecclesiæ temporibus publico Ecclesiarum consensu non recepti erant; Adeoque & hic Syrus vel nunquam vidit, vel tanquam non Canonicos repudiavit? At nec illi proculdubio prædicti libri citius canone quam lingua Syriaca donati erant, quorum Apocalypsin Lud. De Dieu, & post eum Epistolas omnes Doctissimus noster Pocockius Oxoniensis edidit, & omnes simul in Bibliis nostris Polyglottis completi extant.

Quod

Quod autem ad Arabicam Versionem spectat, nec de authore nec de tempore aliquid certum determinari potest. Pentateuchus vero non multum variare videtur a Pentateucho R. Saadia, qui unus erat isque inter Gaones (ita appellabantur Scholarum Babyloniarum rectores) celeberrimus, qui floruit circa annum Christi 909. unde probabilem est conjecturam facere eundem omnino esse: ut nec improbabile videtur Arabicam totius Scripturæ Versionem eadem canitie decorari. Ut denique de Pentateucho Samaritano aliquid dicamus; Communis est historiæ & linguæ sacræ peritorum sententia, characterem illum quo Pentateuchus noster hodie conscribitur, eundem esse quo Deus, legem Mosi tradidit, & qui in ipsis tabulis Mosi a Deo datis exaratus erat, quoque ipsi Judæi usi sunt usque ad 70 annorum captivitatem, quo tempore novam linguam edocti & novum characterem linguæ illi Chaldaicæ seu Assyriacæ proprium & peculiarem didicerunt, primum Samaritanis relinquentes. Certum autem est Samaritanos eadem exemplaria cum Judæis ab initio habuisse, eaque literis antiquis Hebraicis seu Samaritanis conscripta, adeo ut etiam si (quod tamen dubitatur) non Authentica autoritas, maxima tamen utilitas huic ascribatur. De Versione autem Chaldæo-Samaritana, a quo vel quando facta sit non adeo facile est determinatu. D. Mich. de Jay in Præfatione ad Biblia Parisiensia eodem tempore quo Samaritani in eandem cum Judæis religionem consentiebant, factam fuisse arbitratur. At D. VValtonus verisimilius multo ante Christum natum, non multum viz. post Esdram et Nehemiâ conflata esse judicat.

Hiscæ ideo serio exagitationis, assertio nostra ulteriori (ut opinor) probatione nequicquam indiget. Hoc enim concessio (quod negari nequit) Versiones hasce jam laudatas tam propectæ ætatis esse ut ipsius Christi tempora vel exæquent vel exuperent, facile exinde easdem ad

textum Biblicum conservandum & confirmandum plurimum conferre concedetur: Utpote extra omnem controversiæ aleam positum est, fontes tot ab hinc annis puriores & incorruptiores fluxisse quam ut ad nos derivantur. Tunc temporis tot scribæ nondormitabant & ab archetypo deciderant; Tot invidos & hæreticos in particularium codicum corruptionem ignis infernus non inflammavit; Tot dies injuriam suam non perfecerant; Tot variae lectiones in ipsum textum non irreperant; Verbo, Tot commixturas & conturbationes sacra hæc lymphæ non persenserat, sed pura & sincera undique scaturivit. Cum ideo prædicti rivuli de fontibus purioribus derivantur, & ipsi puriores fluant necesse est; adeo ut ex hisce Versionibus quomodo ipse textus priscis illis temporibus sese habuit certiores nos habeamus. Atque hinc fit ut si qui hæretici textum nostrum corruptionis arguant, & suum (a seipsis fortasse corruptum) pro hæresi sua plura facientem, veridicam jactitent; si vetustæ hæ translationes textus nostri vestigia ad amussim præstant, & eundem sensum exprimant, Quis non videat textum nostrum verum, antiquum, & ab ipso Deo traditum; eorum autem novum, falsum, a seipsis inquinatum? unde ipsi & ipsorum textus confutentur, nos & noster abunde confirmemur. Si scribæ autem in transcribendo aut correctores in corrigendo de diligentia debita unquam remiserunt, & ab ipso textu uspiam aberrarunt, nos modo linguarum peritia induti eos corrigamus, & ipsum textum licet non in ipso textu, in Versionibus tamen (præsertim ubi plures consentiunt) perlegamus. Exemplo uno vel altero rem totam explicem. Locus ille Gen. 3. 15. quem Papistæ tam misere torquent & depravatam judicant, e Versionibus hisce antiquis contra omnia eorum specula fortissime munitur, stabilitur, confirmatur. Chal-  
dæus enim נִינְא, Syr. ܢܝܢܐ, Sam. אֶרֶץ הַנָּחַל, non מִן הַנָּחַל.



illa, legit. Sic & locus ille Jud. 16. 31. e quo Jacobus Gordonus Huntlaus Scotus contra textus Hebraici veritatem & puritatem militaret, e Versionibus hisce abunde corroboratur. Dicit ipse, uti & M. Marinum Brixianum idem ducit testantem, olim ibi non עָשָׂרִים ut in codicibus nostris, sed אַרְבַּעִים שָׁנָה scriptum fuisse. At non alia opus est Jesuitæ refutatione & loci illius confirmatione quam sola Versionum antiquarum inspectione. Omnes in unum hoc conspirant. Chald.

עָשָׂרִים שָׁנָה Syr. ————— Arab. عَشْرِينَ سَنَةً

عشرون سنة viginti annis. Perquamplurima hujusmodi loca in sacris Scripturis passim occurrunt,

quæ solidam satis confirmationem ex antiquis hisce Versionibus recipiunt. Cujusmodi autem in locis per Versiones hæc conservatus dicatur textus Biblicus? Istiusmodi nimirum in quos temporum injuria aut scribarum incuria merda aliqua aut errata irrepserint: Pleraque enim irregularium scriptionum aliorumque istiusmodi erratorum post factas hæc Versiones textum occuparunt ut 2 Sam. 18. 12. legitur

שָׁמְרוּ מִי בְנֵעַר בְּאַבְשָׁלוֹם. Hic locus graviter & Grammaticos & Interpretes torfit, quocum viz. verbo pronomen illud מִי cohaereat. Respondet Buxtorfius, cui Glassius aliique assensum præbent, hic esse ellipsin verbi, hunc in modum שָׁמְרוּ מִי בְנֵעַר בְּאַבְשָׁלוֹם

observe quis in puerum in Absolomum, viz. יִשְׁלַח יְדוֹ mittat manum suam seu incurrat. At si antiquas hæc & nunquam satis consultas inspexissent Versiones, non figuram sed erratum idque ex scribarum neg-

24 *De Linguarum Orientalium præstantia, &c,*  
 ligentia deprehendissent. Chaldaica enim Paraphra-  
 sis vertit, אִסְתַּמְרוּ לִי בְעִלְמָה בְּאַבְשִׁלּוֹם *estote*  
*circumspecti mihi de puero de Absolom.* Syr. <sup>וְנִסְיָא</sup> *circumspecti mihi de puero de Absolom.* Sic & LXX <sup>οὐλαξέτε</sup> *μὲν servate vel custodite*  
*mihi puerum Absolomum*; E quibus sole meridiano  
 clarius elucescit textum cum Translationes hæc ex illo  
 deductæ erant, non מ' sed ל' habuisse, & מ' pro  
 ל' scribæ vel typographi vitio interferi. Arabica,  
 fateor, translatio utrumque omittit, pro Versionibus  
 tamen maxime facit <sup>أبشليم</sup> *أبشليم* *curam habete Abs-*  
*lomis pueri.* At quidem datur & aliud præter earum  
 antiquitatem quod Versiones hoc in loco confirmat,  
 viz. quod inter שמרו & מ' datur Maccaph, quæ qui-  
 dem linea si esset מ', esset frustranea, imo vitiosa; at  
 si esset ל' ut proculdubio semel fuit, non potuit non  
 adesse. Sic 2 Sam. 8. 3. in primis exemplaribus ver-  
 ba legebantur בְּנֵהַר פָּרַת *in flumine Euphratis*,  
 sed nescio quo infortunio פָּרַת textu excidit, & ni-  
 hil præter nudas vocales relinquitur, at in omnibus  
 canitie venerandis hisce Versionibus fidelissime con-  
 servatur, uti cuiquam illas consulenti patebit. Sic &  
 Jos. 15. 47. legitur הַיָּם הַגָּבֹר וְהַגָּבֹר *mare ter-*  
*mini & terminum*, si versiones hoc in loco consulant-  
 tur, statim liquebit vel scribas vel typographos hic  
 errasse, & ב' pro ג' posuisse, הַגָּבֹר *pro* הַגָּבֹר *magnum.* Omnes enim Versiones ita legunt, quibus  
 & Masoretica correctio marginalis subscribit & alli-  
 pulatur. At infinitus essem si omnes hujusmodi lo-  
 cos a Versionibus conservatos vel enumerem: suffi-  
 ciat



ciat ideo impræsentiarum unicum alium tantum adno-  
tare. Gen. 4. 8. וַיֹּאמֶר קַיִן אֶל הָבֶל אָחִיו & dixit  
*Cain ad Hebel fratrem suum.* Hic sensus sane man-  
cus & mutilus apparet, ut e solis textus Hebraici vo-  
cibus eruitur, adeoque & aliquid desiderari videtur,  
quod tamen in sacris Versionum Thesauris non dico sup-

pletur sed conservatur. Videamus paulisper Syr. ܡܕܢܐ  
ܡܕܢܐ ܡܕܢܐ ܡܕܢܐ ܡܕܢܐ ܡܕܢܐ ܡܕܢܐ ܡܕܢܐ ܡܕܢܐ

et dixit Cain ad Abelem fratrem suum, Eamus seu descen-  
damus in desertum. Sic & utrumque Targ. Onkelos &  
Hierosolymitanum. Et dixit Cain ad Habel fratrem suum  
וָנֵצֵא וְנִפְּקוּ אֶתְּחָא Veni & eamus in superfici-  
em agri. Targum Jonathan Ben-Uziel וְנִפְּקוּ אֶתְּחָא  
וְנִפְּקוּ אֶתְּחָא Veni & eamus ambo in agrum: ubi

etiam sermones quos Cain & Abel tunc temporis  
conferebant fufe exhibentur. Sic etiam & Versio Sa-  
maritana 𐤒𐤒𐤕 𐤕𐤕𐤕 *camus in campum*. Nec Ver-  
sio tantum sed & ipse textus Samaritanus (e quo tex-  
tum Hebraum corrigere non est ex Versionum rivu-  
lis fonti integritatem conciliare, sed ex uno exemplari  
aliud & fortasse e vetustiori recentius emendare) ita  
legit 𐤒𐤒𐤕 𐤕𐤕𐤕 *camus in campum*. Pleniorem  
autem loci hujusce discussionem aliis relinquimus exa-  
gitandam. Ipse hoc tantum addam, me, salva aliorum  
reverentia, arbitratum hunc locum inter alios in Ver-  
sionibus conservatos merito posse recenferi, utpote qui  
tot Versionibus ipso textu Samaritano roboratis, emen-  
datus videtur. Aliorum autem judicio, modo solidis  
rationibus annixo, nostrum hic submissum damus. Hoc  
autem dum dicimus, & errata textus Hebraici in Versio-  
nibus correctæ asserimus, ἀποβρίσκει, authoritati & in-  
tegritati Scripturarum nihil detrahimus: etiamsi enim  
plurima

plurima hujusmodi sphalmata & errata e scribarum ignorantia & oscitantia aut aliis de causis in textum Hebraicum irreperint (quod xeri & Cetib aliaque Variantes Lectiones a doctis collectæ liquido demonstrant) manet tamen Divina norma & regula ad quam omnes Versiones sunt exigendæ. Licet enim omnibus levioribus labeculis & erratulis texum immunem asserere, esset urgenti omnium Doctorum consensui, imo & communi cujusque sensui in iis vel mediocriter versati oppugnare; ita tamen invigilavit Divina providentia & Ecclesiæ ipsius diligentia, ut in omnibus ad salutem necessariis, ad fidem & mores pertinentibus purus, syncerus, & incorruptus ubique manet & ita in ultima secula remanebit.

Secundo, *Ad vocabulorum explicationem.* Atque hic sane latet magna & incredibilis linguarum Orientalium utilitas, quod multas voces in textu Hebræo reperire est quæ non nisi ex aliis linguis sibi cognatis lucem accipiant. Licet enim lingua Hebræa, aliarum mater, olim satis grava & magno vocabulorum numero decorata, mutila tamen & exigua tantum sua parte in textu hodie extat, unde ex aliis linguis suppleri debet & explicari. Multa in Vet. Test. Hebraica vocabula semel tantum aut bis occurrunt: Quomodo hæc nisi ex nota aliarum linguarum consuetudine sunt exponenda? At præterea reverendi harum Translationum authores temporibus quando lingua hæc sacra illis erat vernacula longe propiores floruerunt, unde sælicior explicatio ex illis merito expectetur. Vocabulorum enim hujusmodi raro occurrentium & inusitatorum significatio illis ex majorum traditione accepta melius nota erat quam nobis jam degentibus esse possit. Exemplum unum aut alterum proferam, Gen. 41. 45. Et vocavit Pharaoh nomen Joseph, סַפְנָתַח פַּהַנְעָאֵךְ *Saphnath Pahaneach*. Quid sibi vellent hæc nomina quæ Pharaoh Josepho imposuit omnes linguarum

Linguarum imperitos penitus fugit. Atque hinc est quod nonnulli de oscitantibus hujusmodi sciolis vocem esse Ægyptiacam somniant, adeoque & nobis ignotam. Consulantur autem Versiones antiquæ, & dispersis tenebris lux e vestigio orietur. Versio Samaritana exprimit *אֲבִירֵי סֵפֶרִים* *abscondita revelans*. Targ. Jonath. *נִבְרָא דְסֵפֶרִין סֵפֶרִים* *virum secretorum manifestatorem*. Targ. Onk. *נִבְרָא דְסֵפֶרִין נִלִין לֵיה* *Vir cui secreta revelantur*. Hisce etiam allūpatur Arabica translatio, ut & Syriaca, quæ hanc etiam reddit hominis illius rationem, vocavitque Pharaoh,

nomen Josephi *יֹסֵף פַּנְאָח וְסַפְנָאִת*

*יֹסֵף פַּנְאָח וְסַפְנָאִת* *Saphnath Paanach cui secreta*

*aperta sunt*. Quis tot testibus non fidem haberet? Proculdubio Vulgatæ Latine author si tantam aliis linguis Orientalibus quantam Originariæ navasset operam, nec tantæ derisioni nomen suum tribuisset, nec Josepho tam falsum nomen indidisset. Quid autem, eo iudice, vocavit Pharaoh Josephum? viz. *Salvatorem mundi*. Quis aliquid horum vocabulorum e textu eliciat? Satis autem se excusatum habere opinatur, dum interponit, *Lingua Ægyptiaca*: Verba profecto textui æque ignota ac ipsa verba in textu ei. Hunc autem in modum nos aliorum despectui & derisui prostituimus, dum Hebrææ linguæ nos totos damus nihilque aliis reservamus. Cum revera etiamsi illæ sive hæc possunt, hæc tamen sine illis edisci nequit. Simile autem huic quod Pharaoh Rex Ægypti Josepho, est nomen illud quod Christus Rex Regum Petro imposuit; ut aliqui enim in illo, sic alii in hoc exponendo misere hallucinati sunt. Joh. 1. 42. *ὁ καλεῖσθαι Κηῶς ὁ ἑρμηνεύεται ὁ πῆτρος* *Tu vocaberis Cephias quod interpretatur Petrus*. Scires unde vocabulum

bulum illud κεφαλή. originem suam duxit? Consulas Cardinalem Betronium & invenies eum cum Optato Melevitano aliisque ejusdem farinae miseris linguarum insciis ex lingua Græca derivantem. **כֶּפֶל** (inquit) dicitur ἀπὸ τῆς κεφαλῆς a capite, atque hinc ingens producit mysterium, imo & simul ingens ignorantiae specimen. *Petrus* (inquit) est **כֶּפֶל** i. e. ἡ κεφαλὴ, quia totius Ecclesiæ Catholica caput & fundamentum est, qui suam etiam vim Pontificibus Romanis continua successione communicavit.

*Spēctatum admissi risum teneatis amici?*

Profecto si vel minimam linguæ Syriacæ imbibisset cognitionem, nec aliis tantum risum nec sibi tantum derisum movisset. Quid enim aliud est **כֶּפֶל** in lingua Syriaca, quam Servator noster locutus est, quam **כֶּפֶל** seu **כֶּפֶל**, quæ interpretatio & in ipso textu innuitur. Atque hinc est quod Syrus non interpretatur, sed tantum dicit, **כֶּפֶל** **כֶּפֶל** **כֶּפֶל**

*Tu vocaberis Petra.* Est vocabulum illis satis notum, ideoque nec interpretatione indiget. Ut autem Syriacæ sic & Chaldaica lingua multum confert ad hujusmodi vocabulorum explicationem. Gen. 30. 14. *Et reperit* **כֶּפֶל**. Multum inter se discrepant interpretes de genuina vocabuli hujusce significatione, nec aliunde peti potest quam ex Chaldaica paraphrasi Jonathanis & Onkelos, qui verbum illud alio Rabbiniis satis noto reddunt, verbo viz. **כֶּפֶל** (quam vocem etiam & Syrus retinent) *mandragora*. Sic etiam & dantur quædam in Novo Fœdere quæ non nisi ex Hebræorum libris præsertim Chaldaica Paraphrasi intelligantur, ut 2 Tim. 3. 8. hic Jannes & Jambres dicuntur Mosi restitisse. Quinam hi Jannes & Jambres fuerunt frustra quæritur nisi in Paraphrasæ Jonathane in Exod. 3. 15. & 7. 2. quibus locis dicitur illos fuisse principes Magorum. At nec linguæ Arabicæ

Arabicae suum in hac re desideratur commodum, ut Ex. 12. 9. *non comedatis ex illo* נֹא. Quid hoc vocabulo indigitetur, sine lingua Arabica cognosci nequit. Alibi sane in textu significat *nunc* vel *absce-ro*, quæ tamen significatio huic loco non omnino quadrat. Arabicis autem hoc dubium statim resolvitur, quibus

نَا significat *crudum fuit*, quod etiam vocabulum in Arabica translatione retinetur, *No comedat quicquam*

ex eo نَا *crudum*. Sic nomen Dei אלהים genuinam suam significationem e lingua Arabica tantum petit, qua الله est *religiose colere, adorare*. Job

41. 9. occurrit vocabulum עֲטִישׁוֹר quod e lingua Arabica solum lucem accipit, qua عَطَس est *ster-*

*nutare*. Hic autem liber Jobi (quem Arabum Theologam nominat Bibliander) per plurimis hujusmodi scattet Arabismis, ut quidem & tota Scriptura. Unde illud Kimchi in præf. ad lib. Rad. citante Reverendo VValtono) *Apud magistros docetur quod linguam didicerunt ex lingua*, quod explicat de Hebraicatum quarundam vocem ex Arabismo intelligentia, ut Psal. 55. 23. *Projice ירבד, nesciebant quid per ירבד significaretur donec ex Arabe mercatore audivissent, Cape ירבד Onus tuum & impone camelo*. Nos omnibus linguis Orientalibus ordine ad Hebræam idem applicemus, viz. quod lingua Hebræa ex aliis linguis discitur.

Tertio, *Ad phrasum & idiotismorum illustrationem*. Hoc autem ex eodem, quò prius, fonte fluit, quod celebres

celebres nimirum veterum harum translationum præfertim Paraphrasium Chaldaicarum autores, propius ad tempora quibus lingua Hebræa vernacula viguit, vitam transigentes, varias ipsius loquendi formulas sibi a maioribus traditas atque ita in omnes posteros traductas, melius tenere & verius fideliusque explicare potuissent quam qui longiori intercapedine ab hisce temporibus separantur. Hoc autem exemplis potius quam verbis demonstretur, Hof. 2. 14. *Dicit Deus ire faciam eam desertum* לְבָה עַל וְדִבַּרְתִּי עָלָה *et loquar ad cor ejus.* Quid per *Ad cor loqui* indigetur nullibi nisi Paraphrasi Chaldaica Jonathani explicatur, quæ ita παραφράζει, וְבִיד עַבְדֵי נְבִיאָא אִמְלִל, לְבָה עַל חֲנֻחִמִּין *Et per servos meos Prophetas loquar consolationes ad cor ejus.* Hanc etiam expositionem & abunde confirmat Syrus Novi Testamenti Interpres, dum verbum παραμυθῆσαι nunc per בְּנִי consolatus est, nunc per בְּחֵן בְּחֵן locutus est ad cor exprimit, Joh. 11. 19. ἵνα παραμυθῆσάτωσαν αὐτὰς, Syr. וְיַמְצִיחֵם בְּחֵן בְּחֵן *ut loquerentur ad cor earum;* at ver. 31, παραμυθῆμεν αὐτήν, Syr. וְיַמְצִיחֵם בְּחֵן בְּחֵן *consolantes eam.* Sic etiam & παραμυθῆναι seu παραμυθία nunc reddit per בְּחֵן בְּחֵן locutio ad cor, Phil. 2. 1. Nunc autem per בְּחֵן בְּחֵן consolatio, 1 Cor. 14. 13. E quibus dilucide apparet phrasin hanc *Ad cor loqui* per totum Orientem idem valere ac *consolari*: Atque ita

ita passim alibi in Vetere Testamento accipitur, ut Gen. 50. 21. Ruth. 2. 13. Esaiiah 40. 2. & alibi. Sic Psal. 33. 3. **הִשְׁבִּחוּ בַּיָּהּ בְּתוֹרָה** *benefacite canendo cum jubilatione*: quid phrasis hæc *benefacere canendo* valet e versionibus tantummodo hauriatur. Hanc autem phrasin optime illustrant translatio Syriaca & Arabica. Syr. **ܐܡܝܢܐ ܕܥܡܝܢܐ ܕܥܡܝܢܐ** *ca-*

*nite decenter cum voce.* Arab. **يُسَبِّحُوهُ لَا حَسْبًا**

*psallite ei bene cum júbilo*: E quibus patet *benefacere canendo* & *bene canere* phrasés esse æquivalentes. 1 Sam. 28. 7. **אַשְׁתִּי בְעֵלְהָ אוֹיֵב** *mulierem dominam pythonis*. Quid per hanc phrasin intelligitur explicat Targum. **אַתְּתָא דִּירְעָא לְאַסְפֵּי** *mulierem qua sciat educere Pythones*: Et Syr.

**ܐܡܝܢܐ ܕܥܡܝܢܐ ܕܥܡܝܢܐ** *mulierem qua ascendere faciat Pythones*. viz. Pythonissam. Perplures autem hujusmodi formulas a verbo **בָּעַר** ortas ex hisce versionibus explicatas reperire est. Ut Gen. 49. 23. Ex. 24. 14. 2 Reg. 1. 8. Prov. 18. 9. & 22. 24. & passim alibi uti legenti occurrunt. Ad hæc etiam revocanda sunt loca obscura quæ hisce Versionibus illustrantur, ut Ex. 12. 40. *Es commemoratio filiorum Israel qua habitaverunt in Aegypto triginta anni & quadringenti anni*. Quam misere hic locus Interpretes vexavit cuique notum est, nec sine causa. Certissime enim ex ipsa Scriptura colligitur Israelitas non multum supra ducentos annos Aegyptum incoluisse. Codex autem Samaritanus omnem difficultatem tollit, qui legit, *Commemoratio autem filiorum Israel & eorum patrum qua habitaverunt in terra Chanaan & in terra Aegypti, quadragintorum scilicet & triginta annorum.*



rum. Hæc autem supputatio cum Sacra pagina optime convenit. Ad hunc etiam modum explicatur a Targumita Jonathane Ben-Uziel, &c. יוֹסֵפִי בְּיָרְחֵי יוֹסֵפִי  
*Dies autem quibus habitaverunt filii Israel in Ægypto triginta annorum hebdomades, quarum numerus ducenti & decem anni. Numerus autem quadringentorum & triginta annorum ab eo tempore quo locutus est Dominus ad Abrahamum, ab ea hora qua locutus est cum eo decimaquinta mensis Nisan inter divisiones usque ad diem quo exibant ex Ægypto.*

Huc etiam accedat quod hæ Linguæ non tantum ob libros sacræ Scripturæ in illas translatos, sed & ob alios in illis Originarie scriptos, multum ad phrasas illustrandas adeoque & ad ipsum sensum eruendum conferunt: frequens viz. in sacris Scripturis rituum & caeremoniarum occurrit mentio, quæ populis Orientalibus olim in usu erant, nec ullibi nisi ex eorum libris lucem accipiant. Unico, quod sit instar omnium, instem exemplo, quod Pocockius olim observavit; & ex eo Waltonus in Prolegomenis, & Wasmuth in Parænesi, Ezech. 21. 21. *Nam stetit Rex Babel ad matrem* (i. e. in principio, uti Syrus) *via in capite viarum durarum ad divinandam divinationem,* קִלְקַל בְּרַצִּים  
 פָּתַח בְּחַרְפֵּי רֶגֶל בְּבֶרֶךְ *terfit sagittas, rogavit imagines, respexit in jecore.* Superstitiosus hic per sagittas divinandi ritus ex Arabum libris, quibus olim frequens in usu fuit, optime explicatur. Observavit enim prædictus D. Pocockius in spec. hist. Arabicæ quod cum negotium aliquod habuerint magni momenti peragendum, sagittas quasdam consulebant, quas tres vasculo inclusas habuerunt, quarum uni inscriptum erat *amri* *jussit me Dominus; se-*

*cundæ* *nehani* *prohibuit me Dominus; Ter-*  
 תְּהַנִּי *prohibuit me Dominus; Ter-*



tia autem nulla nota insignita erat, cum aliquam ideo harum extraxerint, Si illa, quæ juberet, occurrit, tanquam monente Deo pergerent; si illa quæ prohiberet, desisterent; si illa quæ nihil habuit inscriptum, hanc reposuerunt, donec alia prodiret. quæ vel vetaret vel juberet. E quibus loci allegati sensus dilucidissimus apparet.

Non est autem ut pluribus exemplis in proferendis ulteriores moras agitemus. E dictis enim, modo libero animo volutatis, perspicue satis liquet quantum Linguæ prædictæ Orientales ad Linguam Hebraicam exacte ediscendam & ad textum Hebraicum perfecte intelligendum conferunt. Nec est ut quis Divina harum Linguarum studia superflua opinetur, eo quod omnes linguas ignotas & quicquid in iis continetur, in notas habemus translatas. Non sane me latet dari mirum quoddam & prodigiosum hominum genus qui omnia dilectæ adeo oscitantæ & ignorantæ quæritantes subterfugia, hanc quam in Hebraicam etiam in alias Linguas Orientales conjiciunt tragulam. Eo viz, quod quascunque ipsius textus habemus Versiones, easdem & in Latinam habemus versas, hinc statim colligunt quicquid commodi ex antiquis hisce textus versionibus hauriatur, idem & ex earum Versionibus exugatur. Hoc sane spiculum non ex judicii sed ignaviæ pharetra depromptum videtur. Cum hæc autem sagitta eadem est cum illa quæ in Linguæ Hebrææ latera vibrata fuerit, iisdem mediis quibus ab illa etiam & ab aliis linguis reflectatur. Atque insuper tenendum est Versionum versiones sæpenumero claudicare, quæ nunquam verborum emphasin, aliquando nec ipsum sensum exprimunt. Et deinde præcipuus Versionum usus a cognata illarum ad Originariam vicinitate dependet, quæ tamen in versionibus minime apparet. Adeo ut ipse profecto semper reputavi Versionum versiones solas consulere, idem esse ac littus arare, aut in ipso aere

piscari;

piscari; e quibus viz. fructus aliquid aut commodi nunquam eliciatur, nec quicquid per laborem præter laborem metatur. At præterea, quid est quod miseros hosce, ignavis vernas a tam sacro studio deterret? proculdubio nihil aliud quam difficultatis suspicio. Gravi nimirum formidine anguntur multum laboris exhauriendum, multos dies solis Musis consecrandos, noctesque multas vigiles transigendas, priusquam vel mediocri Linguarum cognitio attingatur. Non autem est ut hac in re mens metu concedat, vel pavore vel minimo concutiat. Mira enim harum Linguarum facilitas omnibus in iis vel mediocriter versatis bene perspecta fuerit: Post acquisitam enim Linguam Hebraicam, quæ, ut in se est, sic & ab omnibus omnium facillima existimatur, quispiam in intimos cujuslibet aliarum recessus, pauculas solummodo indies impendens horulas menstruo aut ad summum bimestri spatio, idque proprio Marte penetret. Nec hæc ab aliorum tantum sententia sed & a propria experientia prolata. Cum primo enim sacra hæc studia aggressus sum (absit invidia dicto) neminem habui qui errantem corrigeret, dubitantem resolveret, aut recte perspicientem confirmaret: Nihilominus omnis nostra, qualis qualis est, Linguarum cognitio, non multos annos, imo quidem nec multos menses serio illis deditos, ab aliis studiis diripiebat. Imo quidem quod ad Linguam Syriacam spectat, nondum bimestre spatium in illa transegeram cum hoc observatu digna inter legendum collectissem, ut de emendandis & corrigendis veterum Grammaticis, imo & statim de nova compingenda cogitatio subit. Non hæc ad genium nostrum ostentandam, sed ad gloriam Dei cœlestis mei Patris celebrandam, ad miram Linguarum facilitatem demonstrandam, & ad alios in studia hæc adeo utilia pariter & facilia animandos, excitandos, erigendos.

At præter ea quæcunque hætenus dicta quæ omnes  
Linguas

Linguas Orientales nobis commendent, datur & aliud quod Linguam Syriacam præ aliis celebrem illustremque reddit; quod, hæc viz. ipſius Chriſti Servatoris noſtri vernacula fuerit, Divino ipſius ore conſecrata. Hoc autem a Judæorum hiſtoria clariffime demonſtretur. Judæi enim poſt 70 annorum captivitatem propriam Linguam, ob tam longam cum Chaldæis conſuetudinem, oblivione contriverant, adeo ut Babylone Judaam tandem reduces, novam linguam illi loco antea prorsus ignotam, Chaldaicam viz. ſeu Syriacam ſecum duxerunt. Cum hæc ideo Lingua in Hebraicæ locum Vulgaris & Materna ſucceſſerit, & jam apud Judæos Vernacula floruerit, Chriſtus æternus Dei Filius e cœlo deſcendit, utero concipitur, & tandem in vitam naturalem emergit, adeoque & hanc Linguam a fœlicibus Virginalis matris uberibus ſimul cum lacte ſuxit, & ut ipſe ad proveſtorem adoleverit ætatem, ore ſuo ſanctiſſimo hanc ipſam magis magisque ſanctificare dignatus eſt. Et deinde quid aliud ſibi vellet tot Syrorum vocabula per totum Novum Fœdus diſperſa? Quid quod Evangelizæ cum non tantum ſenſum, ſed & ipſa verba quæ Chriſtus locutus eſt, exprimerent, Syrorum vocabula retinent? Huiusmodi autem Syrorum vocabula paſſim occurrunt, ut Παῖς

𐤐𐤁𐤏 Raca. Mat. 5. 22. *μαμωνᾶ* 𐤓𐤁𐤏𐤁 *moni-*

*no, Mammona.* Mat. 6. 24. Βαρ' 𐤁𐤁𐤏 *Fili-*

*us columbe.* Mat. 16. 17. *καβαχδάρι*, 𐤁𐤁𐤏𐤁𐤁𐤁

*deſervisti me.* Mat. 27. 46. *Βεαρεγγίς* 𐤁𐤁𐤏𐤁𐤁𐤁

*Filii tonitrii.* Marc. 3. 17. *ταλιθα κούμι* 𐤓𐤁𐤏𐤁𐤁𐤁





*hæc ipsi Christo vernacula. Quis non edisceret?*

Dum in Divina autem hæc linguarum studia instantèr adeo impellerem, non est quasi quispiam neglectis aliis se totum hisce daret: Hoc sane esset fundamentum jacere sed nihil superstruere; seu nauci frangere sed nucem non degustare: Sed tantum ut ab his ducamus initium, atque ita ad Theologiam aut Philosophiam, quo viz. genius trahit, progrediamur. Et quidem cum Linguarum periti semel evasimus, quænam studia futura sunt difficilia? Quot libros Physicos, Metaphysicos, Medicos, Mathematicos, aliarumque artium & scientiarum eruditos, hisce linguis exaratos adeoque & aliis ignotos, nos evolvamus? Sed quid moror istis? Harum Linguarum gnari & sacras Scripturas legamus: legamus? imo & intelligamus: e quibus solis veræ sapientiæ dulcedo, rectæ philosophiæ & Theologiæ perfectio extrahatur. Hæc solas quicunque rectè percipiat, veri ingenii argutiam præ se feret & animum Theologicum spirabit & vere Philosophicum. Harum ideo studio invigilemus. In vernantissimis hisce Scripturarum prætis nocte dieque expatiemur: Hic amœnissimos colligamus flosculos, Divinas intelligo Christi gratias, quarum fragrantia terris delectemur, & e quibus gloriæ corona cœlis contexetur, quæque etiam splendidissima gloriæ corona ipsa æternitate coronabitur.

*FINIS.*

VAT

1509458